

E mahi ngātahi ana ki te whakahaumaru i te taiao kia taurikura ai te whio

Mā te hāpori whānui e haumaru ai tēnei taonga

Mā te rangapū mahitahi tauroa i waenga i Te Papa Atawhai me Genesis Energy e āwhinatia ana te oranga tonutanga o te whio huri noa i Aotearoa.

I tīmata te Whio Forever Recovery Programme i te tau 2011, ko tā tēnei kaupapa he whakahaere, he pupuri i ngā tārore i te 1,600 kiromita o ngā manga i ngā wāhi e iwa, ko tāna hoki he aroturuki i te haeretanga o ngā whio me te whakahaere i ngā rūritanga ā-tau i ia wāhi. Ka whakahaerehia tēnei mahi whakahirahira e ngā kaimahi o Te Papa Atawhai, e ngā whakahaere tūmataiti me ngā mea tūmatanui, e te tini hoki o ngā hoa haere ā-hāpori.

Ka whakarato a Genesis Energy i ngā rauemi me ngā tohunga hangarau hei āwhina i te mahi whakahirahira e haumaru ai ngā whio i te taumata ā-motu, ā, ka mahi ngātahi a Te Papa Atawhai me ngā rōpū puta noa i te motu i ngā kaupapa whakamāui whio, he hiranga tō ēnei kaupapa i tā mātou whakarite kia ora, kia taurikura hoki te whio.

Ka pēhea tō tautoko mai?

Mei kore ake te tautoko ohaoha a ngā tini tūao, ngā rōpū ā-hāpori, ngā iwi, me ngā kura e whakatakoto tārore ana i tutuki pai ai te mahi whakahaumaru i ngā whio, mei kore ake hoki ngā rōpū kararehe e whakahaere ana i ngā kaupapa whakawhānau-ki-te-tuku kia piki ake ai te nama o ngā whio.

Kia kite ai koe i ētahi atu kōrero mō te whio me te āhua hoki o tō āwhina mai:

- toro atu ki doc.govt.nz/whio-forever-community
- honoa atu ki te hāpori o Whio Forever ki [@WhioForever](https://www.instagram.com/WhioForever)



Whakaāhua: Richard Rossiter